

# ZAKLJUČCI

Mostar, 26.01.2010 god.

1. Svim sredstvima eliminisati prisustvo državnih službenika iz vodećih političkih partija koji komuniciraju i prikupljaju projekte tzv. "održivog povratka" u povratničkim područjima uz obećanje dobijanja sredstava, što daje lošu poruku za buduću raspodjelu sredstava za 2010. godinu.
2. Izražava se bojaznost za dalje zaduživanje Države za sredstva namijenjena procesu povratka uz obrazloženje da se može desiti da ista budu, kao i do sada, usmjerena za druge namjene i u pravcu u kojem ne treba, čak i na područja u kojima nema povratka.
3. Jedan od zaključaka je održavanje zajedničkog sastanka u Ministarstvu za ljudska prava i izbjeglice sa gđin. Safetom Halilovićem, ministrom i pomoćnicima, predsjednikom Komisije /Povjerenstva za izbjeglice i raseljene osobe BiH gđin. Slavkom Marinom i delegacijom Unije za održivi povratak i integracije u BiH.
4. Jednoglasno je prihvaćen zaključak za održavanje regionalnih sastanaka u najskorije vrijeme i prije raspodjele sredstava namijenjenih procesu povratka za 2010. godinu. U sklopu zaključka određeno je održavanje prvog sastanka u Foči.
5. Definitivno se ne prihvata način raspodjele sredstava po nacionalnom ključu i traži se da institucije sistema transparentnije i jasnije definišu raspodjelu izdvojenih sredstava.
6. Iz svih izvještaja, zaključak je, Vladinog i nevladinog sektora neophodno je uskladiti podatke o stvarnim potrebama područja povratka što bi značilo uvažavanje interesa povratnika i ravnomjerniju raspodjelu izdvojenih sredstava, a prema stvarnim potrebama.
7. Tražiti od Komisije/Povjerenstva za izbjeglice i raseljene osobe BiH veća izdvajanja sredstava za zapošljavanje, samozapošljavanje i otvaranje novih radnih mjesta posebno za povratnike iz gradskih sredina, te da izdvojena sredstva budu adekvatna namjen, a ne mizerna i nedovoljna za buduću egzistenciju svakog povratnika. Za ruralna područja neophodno je stvoriti osnovne uslove, rekonstruisane puteve, vodu i mehanizaciju jer postoje resursi. Udruženja povratnika – članice Unije dužna su na svojim područjima sagledati i prikupiti sve potrebe stvarnih povratnika, te tako sačiniti dobre analize sa terena i zahtijevati da direktno učestvuju u raspodjeli sredstava za interventne potrebe. Time bi sredstva namijenjena povratku bila usmjerena prema stvarnim potrebama.
8. Unija za održivi povratak i integracije u BiH i njene članice moraju dati maksimalan doprinos za proces provođenja svih reformi u BiH, te u skladu s tim, generalni je zaključak, upućivanje hitnog zahtjeva Predstavničkom domu Parlamentarne skupštine BiH za bezuvjetno i bez odlaganja usvajanje Revidirane Strategije provedbe ANEX-a VII DMS-a kao ključnog dokumenta daljeg razvoja procesa povratka.
9. Na svim važnim sastancima u organizaciji NVO sektora nisu prisutni ministri, te se stiče utisak da bježe od ljudi koji žele dati pravu procjenu utroška izdvojenih sredstava. Upućivati izričite zahtjeve za učešće takvih lica na sastancima na kojima se razmatraju veoma bitne teme, jer jedino zadovoljan čovjek uslov je opstanka BiH.

10. Unija treba preuzeti veću odgovornost kada je u pitanju raspodjela sredstava, ali i zahtijevati da se uvažavaju principi raspodjele prema stvarnim potrebama na terenu. Zahtjevi treba da se odnose i na traženje pismenih odgovora od ministarstava, pa i lokalnih vlasti za upućene aplikacije po Javnim pozivima na koje se u većini nikad i ne dobiju pismeni odgovori.
11. Od relevantnih institucija u BiH, posebno Ministarstva za ljudska prava i izbjeglice BiH, Komisije/Povjerenstva za izbjeglice i raseljene osobe u BiH i resornih Ministarstava koja su uključena u proces povratka tražiti posebno regulisanje prava povratnika u graničnim dijelovima BiH koja su do sada bila zapostavljena prilikom bilo kojih dodjela sredstava (primjeri: naselje Kamena i rubni dijelovi općine Konjic).
12. Neophodno je izdvajanje dodatnih sredstava za dolinu Neretve i grad Mostar, kako za obnovu stambenih jedinica kolektivnog stanovanja, tako i za povratak manjinskih naroda (između 3600 i 4000 je neobnovljenih srpskih kuća).
14. Da se putem Unije za održivi povratak i integracije i predsjednice Mirhunise Zukić Američkoj Administraciji, Evropskoj Upravi (OHR) i političarima u BiH predstavi prava istina običnih naroda i građana i da se imenuje specijalni izaslanik za BiH i zapadni Balkan za održivi povratak.

#### **UČESNICI SASTANKA**